



Umf. Sindri Knattspyrnudeild Yngri flokkar

**Adalfundur 27. febrúar 2019
Ársskýrsla fyrir árið 2018**

Skýrsla stjórnar Yngriflokkaráðs Sindra 2018.

Starfsemi yngriflokka var með hefðbundnu sniði á árinu en nokkrar mannabreytingar urðu. Guðrún Ingólfssdóttir og Sandra Sigmundsdóttir hættu og þökkum við þeim fyrir vel unnin störf, í þeirra stað komu inn Guðrún Ása Jóhannsdóttir og Laufey Sveinsdóttir, eftir áramótin bættist svo Eva Birgisdóttir í hópinn.

Í vor var ráðinn Benóný Þórhallsson í starf yfirþjálfara yngriflokka og styrkir það mjög starfið og gerir þjálfun iðkenda markvissari og allt utanumhald betra. Þjálfarahópurinn núna eru Benóný Þórhallsson, Alexandre Fernandez Massot, Ingvi Ingólfsson og Sigurborg Jóna Björnsdóttir. Svo erum við með aðstoðarþjálfara úr röðum yngri leikmanna í meistara og 3ja flokki. Ólafur Jónsson hefur svo séð um markmannsþjálfun. Yngriflokkar hafa metnað til að vera með menntaða þjálfara og höfum við verið að kosta okkar fólk á námskeið á vegum KsÍ. Iðkendafjöldi um áramót var 104, mjög breytilegur eftir árgöngum og æfa stelpur og strákar saman í sumum flokkum. 3ju flokkarnir eru mjög fámennir og æfa þeir með meistaraflokkum utan einu sinni í viku. Gaman er að segja frá því að í sumar getum við telft fram 11 manna liðum í báðum 4.flokkunum með aðstoð Neista á Djúpavogi. Heldur gott samstarf milli þessara félaga áfram og fer yfirþjálfari okkar einu sinni í mánuði til þeirra og heldur æfingu.

Fjárhagur ársins 2018 er viðunandi en ljóst er að reksturinn hefur þyngst, við erum kominn með starfsmann í 100 % starf og hefur launakostnaður þar af leiðandi hækkað mikið. Það er dýrt að halda úti menntuðum þjálfurum fyrir ekki fleiri iðkendur en það er stefna okkar að öll börnin fái sömu tækifæri. Æfingagjöldin hækkuðu um 10% í haust og eru 605 kr tíminn. Undangengið ár var farið á hin hefðbundnu mót og stóðu okkar krakkar sig vel og voru til sóma fyrir félagið.

Í fyrsta skipti var farið í víðtækt samstarf við önnur félög í nokkrum flokkum. Gekk það að mörgu leiti vel og góð reynsla fyrir okkur. Það sem mikilvægast var að krakkarnir fengu verkefni við hæfi og sköpuðust góð tengsl milli þeirra. Staðan hjá okkur er þannig að við verðum að leita eftir samstarfi til að finna verkefni við hæfi fyrir suma flokka. Ekki náðist aftur samkomulag við liðin fyrir austan fyrir þetta sumar og var farin sú leið að ræða við UMF. Selfoss og munum við tefla fram sameiginlegu liði á Íslandsmóti í 3fl. karla og kvenna.

Að lokum viljum við ítreka það að umgjörð um iðkendur ræðst ekki bara af aðstæðum til æfinga og hæfni þjálfara. Hvatning okkar forelda og þátttaka er ekki síður mikilvæg. Íþróttafélagið okkar verður ekki stærra en það sem við sjálf leggjum af mörkum til að láta hlutina ganga vel fyrir sig. Við hvetjum því alla foreldra að taka virkan þátt í starfi félagsins á þann hátt sem fólk getur og treystir sér til.

Við í ráðinu þökkum fyrir árið og þeim fjölmörgu sem lögðu hönd á plóginn.

Stjórn Yngri flokkaráðs

Rekstrarreikningur ársins 2018

| | Skýr. | 2018 | 2017 |
|------------------------------------|-------|-----------------------|----------------------|
| Rekstrartekjur | | | |
| Framlög og styrkir | | | |
| Styrkir frá ÍSí..... | | 1.398.311 kr. | 1.348.857 kr. |
| Aðrir styrkir frá KSÍ..... | | 4.241.495 kr. | 1.341.400 kr. |
| Styrkur vegna leikjanámskeiðs..... | | 750.000 kr. | |
| Styrkur vegna 17. júní..... | | 400.000 kr. | |
| Lottótekjur..... | | 325.000 kr. | 0 kr. |
| Styrkur frá USÚ..... | | 150.000 kr. | 550.000 kr. |
| Samtals | | 7.264.806 kr. | 3.240.257 kr. |
| Æfingagjöld | | | |
| Æfingagjöld..... | | 9.194.325 kr. | 6.258.691 kr. |
| Aðrar tekur..... | 1. | 2.084.983 kr. | |
| Samtals | | 11.279.308 kr. | 6.258.691 kr. |
| Rekstrartekjur Alls | | 18.544.114 kr. | 9.498.948 kr. |
| Rekstrargjöld | | | |
| Laun og verktakagr..... | 2. | 14.597.662 kr. | 5.992.140 kr. |
| Ferðakostnaður innanlands..... | | 543.163 kr. | 0 kr. |
| Þátttökugjöld í mótum..... | | 1.917.796 kr. | 100.268 kr. |
| Annar rekstarkostnaður..... | 3. | 227.356 kr. | 321.972 kr. |
| Samtals rekstrargjöld | | 17.285.977 kr. | 6.680.344 kr. |
| Rekstarhagnaður (-tap) | | 1.258.137 kr. | 2.818.604 kr. |
| Hagnaður (-tap) ársins | | 1.258.137 kr. | 2.818.604 kr. |
| Skammtímaskuldir | | | |
| Ógreitt eldsneyti..... | | 0 kr. | 375.953 kr. |
| Ógreidd úttekt v. Fjáröflunar..... | | 0 kr. | 311.221 kr. |
| Samtals | | 0 kr. | 687.174 kr. |
| Skammtímakröfur | | | |
| Ógreidd æfingagjöld..... | | 222.997 kr. | 158.567 kr. |
| | | 222.997 kr. | 158.567 kr. |

Skýringar ársins 2018

| | |
|------------------------------------|-----------------------------|
| 1. Aðrar tekjur | <u>2018</u> |
| Greiðslur vegna móta..... | 1.902.583 kr. |
| Leikskólabolti..... | 45.900 kr. |
| Fjáröflun HM..... | 136.500 kr. |
| Samtals: | <u>2.084.983 kr.</u> |
| | |
| 2. Laun og launatengd gjöld | <u>2018</u> |
| Laun..... | 9.184.670 kr. |
| Launatengd gjöld..... | 5.412.992 kr. |
| | 14.597.662 |
| Samtals: | kr. |
| | |
| 3. Annar rekstarkostnaður | <u>2018</u> |
| Fatnaður fyrir þjálfara..... | 44.648 kr. |
| Allt það sem gleymdist..... | 22.708 kr. |
| Leiga..... | 160.000 kr. |
| Samtals: | <u>227.356 kr.</u> |